

清
季
外
交
史
精

卷一百三十七至卷一百三十八

弟

七

十

卅

醫學文獻

醫學文獻學

清季外交史料

附索引及西巡大事記



中華民國二十一年一月出版

總發行 王希隱

北平迺茲府關東甸七號

版權所有 翻印必究

清季外交史料卷一百三十七

光緒二十五年正月至三月上

目錄

粵督撫譚鍾麟鹿傳霖奏法人恃強越佔情勢迫切請旨速飭定界

以弭釁端摺正月十五日

總署奏遵議中韓通商條約摺二十日

中丹電報合同續約附聲明文件二十五日

盛京將軍依克唐阿致總署報俄員不准華官干預金州錢糧電二

月初四日

金州副都統福陞致總署俄兵於貔口催逼錢糧斫斃華民請照會

俄員電初一日

總署奏議定地方官與教士往來事宜以便保護摺

初四日

總署奏遵議饒應祺與俄商商辦新疆金礦情形摺

初六日

使英羅豐祿致總署英擬在威海募華民充兵電

初八日

使法慶常致總署法外部云法允首約各國撤兵電

初八日

旨寄楊儒着奏明減兵保和會宗旨並屆時赴會電

二件十四日

使韓徐壽朋奏酌設駐漢城仁川領事摺

十五日

使韓徐壽朋奏華民在韓歸韓官管轄之議萬不可允片

十五日

電政督辦盛宣懷奏遵旨籌辦張垣至恰克圖電報摺

二十六日

旨着張汝梅飭夏辛酉帶營赴日照彈壓電

二十九日

旨着呂海寰向德外部宣告朝廷保護德人之意勿派兵赴沂電

二

十九日

總署暨礦務鐵路總局會奏核定四川礦務章程摺三月初五日

中德會訂青島設關徵稅辦法

初八日

總署奏遵議連順請開蒙古鄂爾河五處金礦摺十六日

吉林將軍延茂奏鐵路工段綿長交涉日繁擬請扼要設局以資保

護摺十七日

旨寄護盛京將軍文興俄路駐兵未經聲明着飭屬彈壓電二十一日

旨寄毓賢德人在山東居心叵測着加意嚴防電二十二日

日英兩國人等和議開辦
朝鮮國政府文據開辦
日本對朝鮮國政府文據開辦

日本對朝鮮國政府文據開辦
日本對朝鮮國政府文據開辦
日本對朝鮮國政府文據開辦

日本對朝鮮國政府文據開辦
日本對朝鮮國政府文據開辦
日本對朝鮮國政府文據開辦

日本對朝鮮國政府文據開辦
日本對朝鮮國政府文據開辦
日本對朝鮮國政府文據開辦

日本對朝鮮國政府文據開辦
日本對朝鮮國政府文據開辦
日本對朝鮮國政府文據開辦

日本對朝鮮國政府文據開辦
日本對朝鮮國政府文據開辦
日本對朝鮮國政府文據開辦

日本對朝鮮國政府文據開辦
日本對朝鮮國政府文據開辦
日本對朝鮮國政府文據開辦

清季外交史料卷一百三十七

男希隱亮編

黃巖弢夫王彥威輯

孫孝章敬立校

粵督撫譚鍾麟鹿傳霖奏法人恃強越佔情勢迫切請
旨速飭定界以弭釁端摺

兩廣總督譚鍾麟廣東巡撫鹿傳霖奏爲法人恃強越佔情勢迫切請
旨速飭定界以弭釁端事竊高州府吳川縣屬之廣州灣海面綿亘數
十里東界吳川屬之麻斜北界雷州遂溪屬之海頭均設有營汛礮臺
其南海之瓠州相距水程約四十里一嶼孤懸形勢尤爲扼要法人自

去歲至今春常有兵輪在廣州灣一帶往來遊弋測量水道繪畫形勢其處心積慮蓋欲於粵之高雷等屬得一固煤泊船之所內以扼省港之門戶外以聯越南之聲援且可窺伺瓊廉壘斷礦利蓄意已久今見德據膠澳俄租旅順遂思效其伎倆而逞志於粵此法人索取廣灣租界所由起也本年閏三月雷州府遂溪縣令稟接據法領事甘斯樂函稱會同水師提督前往廣州灣興開煤礦旋准總理衙門先後函電議准將廣州灣租與法人作爲停船囤煤之所飭派委員會同該國水師提督勘定界址當經電飭督辦欽防候補道潘培楷前赴該處會同道府妥爲勘辦法人不俟勘界輒駛兵輪三艘停泊雷州遂溪縣屬之海頭洋面不照會地方官徑行登岸佔據礮臺豎立法旗並於離臺數十

丈建椿築橋意圖永遠佔據任意修築挖毀墳墓人心已懷憤恨復縱
法兵入村騷擾反藉詞民衆鬪竟放鎗礮傷斃村民先後數十命焚
燬民屋數百間海頭村及附近各村不堪殘虐鬻集數千人衆情洶湧
幾釀釁端經該府縣竭力開導解散復經臣鍾麟調派勇營會同地方
官彈壓保護並屢電總理衙門嚴催法使派員勘界並請電駐法使臣
慶常詰責外部轉屬水師提督約束兵丁毋令登岸擾民激成變故乃
法使一味狡展專以地方官不善保護爲言而於勘界一事陽爲催促
之詞實則陰蓄狡謀爲逐漸侵佔之地法水師提督於潘培楷未到之
先已與領事甘斯樂先回海防云俟該國另派大員再行會勘潘培楷
在彼久候迄無會勘之期迄今因公回欽法官乘輪忽至及往再約又回

海防有意耽延其心叵測忽又於九月佔據廣州灣對海之礮州營汛礮臺情勢洶洶莫可阻止此法人遷延勘界迭次挾兵佔地有意挑釁之實在情形也查法人議租廣州灣係高州府吳川縣屬地且總署原有不築礮臺不駐陸兵之議今乃界未勘分輒於廣州灣外越界強佔雷州府遂溪縣屬之海頭汛近又強據礮州礮臺似此不照原議強佔不已實出情理之外其恃強無理得步進步情形均經臣鍾麟先後詳細電達總署諒已隨時上達宸聰查礮州爲高廉雷瓊四府海道咽喉若任法人據有其地以強兵鉅礮橫梗其間則四府聲氣斷絕粵省全局將不可問高雷民俗蠻悍民教仇視久已積不能平此次法兵傷斃華民多命結怨尤深界址一日不定民心一日不安萬一積忿不可遏

聚衆滋事戕害法人釁端立啟地方官雖盡力保護法令亦有時而窮臣傳霖到粵後與臣鍾麟會商察看情形萬難再事遷就相應請旨飭下總理衙門迅告法使並電飭駐法使臣慶常向其外部詳述法兵佔地傷人恃強無理情形請該國另派公正要員迅速來粵勘界抑或仍令該國水師提督及該領事等及早訂期會勘務須案照原議但將廣州灣租作泊船囤煤之所其強佔之礮州海頭礮臺等處法兵務於未勘界之先全行退出毋得藉詞混爭以弭釁端粵省幸甚大局幸甚謹奏光緒二十五年正月十五日奉硃批該衙門迅速辦理

總署奏遵議中韓通商條約摺

總理各國事務慶親王奕劻等奏爲遵旨議覆中韓通商條約事光緒

二十五年正月初十日軍機處鈔交出使韓國大臣太僕寺卿徐壽朋奏議定中韓約款一摺奉硃批該衙門議奏單併發等因欽此臣等查該大臣上年奉使赴韓擬具通商約章十四款奏請飭交臣衙門核議當經逐一覆核請飭該大臣再就臣等所指各款詳細籌度擬定約章馳往商訂於光緒二十四年十月十四日具奏奉硃批依議由臣等行知該大臣遵照辦理嗣據該大臣奏明添列條款與韓國所派議約大臣朴齊純開議迭據該大臣將會議情形隨時函電臣衙門在案計自到韓後往復商論數日之久現據該大臣奏陳議定條約十五款除該國所請漢城撤銷行棧改爲善後續條暫從緩議外臣等就現定正約各款與原擬約稿逐細核計刪去行用銀幣一款增入師船往來一款

鴉片禁入韓國紅參禁買出口二條其餘或與原擬相符或就原擬增改所議均尙妥協且中國通商以來與泰西各國立約皆指洋人來華一面而言此次條約均係就兩國交互所訂較爲周密將來辦理可無流弊謹將各款開列清單恭呈御覽如蒙俞允臣等即遵旨電知該大臣與韓國外部定期蓋印理合恭摺陳明謹奏光緒二十五年正月二十日奉硃批依議

中丹電報合同續約

附聲明文件

前於一千八百九十七年五月十三號中國電報局與大北水線公司曾經會訂電報合同茲互相續議後開章程一條彼此允照辦理中國電報局由督辦盛主政大北水線公司由駐中國日本總辦恒寧生主

政授有全權所議續條如下

茲爲保護中國電報局與大北水線公司利益起見除中國電報局與大北水線公司允准外自訂合同日起至一千九百一十年十二月三十一號止期內一概不准他人在中國沿海一帶地方或在中國洲島各處安設電報水線引登岸上或將該水線與中國電線相接或另設法傳遞各報以致與中國電報局暨水線公司現在所有電線爭奪生意利權惟若中國國家內地各處置設水線非與訂約各造爭利者不在此例中國電報局大北公司亦不得以此例阻擋由旅順口安設水線與俄電線相接專傳俄國與旅順口往返電報至福州臺灣水線既歸日本自不應阻其臺灣與各處來往電報此外所有電報非經中國

電報局與水線公司允准該水線不得傳遞此續條所議應由總理衙門暨俄丹兩國駐京大臣核准

此合同在上海繕就華英兩國文字各三分核對無訛

光緒二十五年正月二十五日西歷一千八百九十九年三月六號

欽命督辦電報事宜大理寺少卿盛總辦大北電報公司恒寧生

聲明文件

光緒九年四月十三日大北公司所訂合同第七款因大北海線傳遞中國官報概不收費是以中國電報局允減報費僅就大北收費電報經過日本寄往歐美兩洲及亞洲俄國之報係由中國電報分局內地各處寄來或由上海大東交與大北傳遞經過吳淞旱線者

應由大北按照上海至長崎水線所收報費歸中國電報局每百分之二分五釐其中國官報過大北線免費者不在內光緒二十二年六月初一日新訂合同第三款公司即停向來所收九龍界至香港水旱線費照一千八百八十四年正月二十一號電局與大東公司所訂之合同電局即停向來所收上海至吳淞川石山至福州水旱線費照一千八百八十三年五月十九號電局與大北公司所訂之合同並一千八百八十三年五月七號以及一千八百八十四年十月十七號電局與大東公司所訂之合同

盛京將軍依克唐阿致總署報俄員不准華官干預金

州錢糧電